

میر جعفر پاشا شہروری (جو اوزار دہ ظلمانی)

سنگینہ از لاری

WWW.AZODKITAB.NET

فرقه‌میز ایشه باشلادی

دوشنبه‌گونی فرقه‌میزین مراجعتنامه‌سی (۱) انتشار تاپدی. بومراجعتنامه خلقیمیز طرفیندن کنیش توجه و بویوک رغبت ایله قارشیلانندی. مینلرجه آذربایجانلی آذربایجان شهرلرینده مراجعتنامه یاپیشدیریلیمیش دیوارلارین قاباغیندا توپلانیب اوره‌ک دوگو-نتوسی ایله اونئی آخره قورا و خودی، دوشوندی، آلمیشلادی. بو واسطه ایله سعادت و آزادلیغی ایچون یول آچیلدیغینی حس ایتدی.

بو ایستی استقبال و حرارتلی توجه گوستردی که، دوتدیغیمیز یول دوز و انتخاب ایتدیگیمیز هدف دوغرو دور.

بیریم باشقا فرقه‌لر کیمی خلقی جلب ایتمکن ئوتوری عالی سوزلر ایله دگیل، حقیقی یول گوسترمک مقصد ایله عملی تدبیرلر واسطه سینله ایشه باشلادیغیمیزی خلق ئوزی چوخ گوزله بیر صورتده تشخیص ویردیگی ایچون دور که، مراجعتنامه‌میز عموم خلق طرفیندن بوقدر هوس و رغبت ایله قارشیلانماغا سبب اولدی.

مراجعتنامه‌میزین دیلی اولدیقجا آیدین و صریح ایدی. بورادا خلقین ایستکلری، آرزولاری، احتیاجلاری آچیق-آیدین بیر صورتده گوستریلمیشدی.

بیز ایرانین استقلالینا علاقه دار اولدیغیمیز ایله برابر آذربایجان خلقینین فرهنگر اختیاراتی و ئوز مقدراتینین ئوز گوجی ایله تعیین ایتمده سینی آرزو ایدیریک.

بیرئوز دیلمیزده فرهنگ، بهداشت و دولت اداره‌سی طلب ایدیریک. ئوز دیلمیزده کتابیمیز، روزنامه‌میز و ادبیاتیمیز آزاد بیر صورتده وجوده گلک ایله خلقیمیزین مرقی بیر خلق اولماسینا امکان ویریلمه لیدیر.

بیز بیرینجی نوبده ئوز ایویمیز اولان آذربایجاندان باشلا بیز بورانین ترقی سینی تامین ایتمکه چالیشیریق. بونون ایچون چوخ ساده و طبیعی بیر تشکیلات وجوده گتیرمکی جد اطلب ایدیریک. بو تشکیلات ایران قانون اساسی پایه سینی تشکیل ایدن ایالت و ولایت انجمنلری دیر.

ایالت و ولایت انجمنلری تازه بیر تشکیلات دگیلدیر. اونون بویوک و تاریخی کچمیشی واردیر. ایران خلقلری مشروطه و آزادلیق آلماق ایشینده آذربایجان خلقینین ایالت انجمنی نین فعالیتینه و فداکارلیغینا بورجلودیر. اونان گوره ده مستبدلر و آزادلیق دشمنلری بیرینجی نوبده بو تشکیلاتی اورتادان چیخارماغا موفق اولموشدور.

۱- مقصد آذربایجان دموکرات فرقه‌سینین ۱۲ شهر یور ۱۳۲۴-نجی ایل تاریخلی

(۳ آستابار ۱۹۴۵) مراجعتنامه‌سی دیر.

فرقه‌میز خلقین اراده و گوجونه دایان اراق بو حقی آلاچاق. اونون واسطه سیله خلقین آزادلیقینی و ئولکه نین ترقی سینی تامین ایده جکدیر.

فرقه‌میز ملی بیر فرقه اولدوغی ایچون منقو طبقه نظرده توتما ییب عموم جماعتی ئوز بایراغی آلتینا چاغیریر. بو واسطه ایله مرکزی حکومتو یئرلی مامورلارین لیاقت- سیزلیگی نتیجه سینده میدانا چیخان نفاق و بعضی یاراماز عنصرلرین ناروا حرکتلری سایه- سینده توره ن هرچ و مرج و شلوغلوغا خاتمه ویره جکدیر.

غزه تیمیز فرقه نین رسمی ناشر افکاری اولدیغی ایچون مراجعت نامه نین اساسلارینی اونوتما ییب، یئری گلدی کجه اونون تصبیرو تفسیرینه چالیشا چاق و خلقی ملی آزادلیق ایچون مبارزه یه حاضر لایا چاق دیر.

بیز بیلیریک که، آذربایجان خلقینین داخلی و خارجی دشمنلری فرقه‌میزین میدانا چیخما سیله خفاشلار گونشدن قورخان کیمی قورخو یادوشوب ضدیمیزه قالخا چاقلار. غزه تیمیز بو خائن عنصرلرایله شدید مبارزه ایتدیگینه گوره اوخوجولار ایچون فوق العاده بیر صورتده جالب توجه اولما چاق دیر.

بو شانلی و ورو شمالاردا بیز قطعاً غالب چیخمالیق، چونکه یولوموز دوغری و مقصدیمیز مقلس دیر. بیز رشید بیر ملتین حق و اختیار ایچون مبارزه ایدیریک.

آذربایجان خلقی ئوز آزادلیقینی آماقلا بوتون ایران خلقلرینی ده اسارتدن خلاص ایده جکدیر.

«آذربایجان» غزه تی، ۱۴ شهریور ۱۳۲۴ ه.ش.، نمره ۱.